

KITSINLIGTING: NWU Meesters en Doktorale Beursskema 2018

Webadres vir aansoekvorms

Mafikeng, Potchefstroom en Vaaldriehoek: <http://www.nwu.ac.za/nagraadse-beurse>

Die doel van die NWU Nagraadse Beursskema is om finansiële ondersteuning te bied aan nagraadse studente en om erkenning te verleen aan studente wat op akademiese gebied presteer. Die NWU nagraadse beursskema is in lyn met die strategiese doelwitte van die Universiteit soos in die Institusionele Plan uiteengesit.

NB: ELEKTRONIESE AANSOEKE ALEENLIK

A NWU MEESTERS BEURS

Voorwaardes van die beurs

1. Die beurs is slegs beskikbaar aan studente wat vir 'n **eerste**, volle voorgeskrewe nagraadse Meesters graadkursus registreer. Studente wat as geleentheidstudente geregistreer is, kwalifiseer nie.
2. Aansoek om die beurs word jaarliks op die voorgeskrewe aansoekvorm gedoen voor of op **31 Maart 2018**.
3. Studente vanaf ander universiteite moet 'n akademiese rekord aanheg van die voorafgaande kwalifiserende graad.
4. Meestersgraad studente mag beurse uit meer as een bron ontvang. Daar is geen perk op die Meesters beursbedrag nie.
5. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk voltooi nie.
6. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
7. *Die beurs word as volg toegeken:*
 - 7.1 Om te kwalifiseer, moet aansoekers 'n **minimum gemiddeld van 60%** in die finale jaar modules/vakke van die voorafgaande voltooide Honneurs-graadkursus behaal het. Studente wat 'n vierjarige B-graad in BIng, BPharm, BMus en BArt et Science in Stads- en Streekbeplanning verwerf het, kwalifiseer ook vir die Meesters beurs en moet 'n gemiddeld van 60% in die voorafgaande voltooide finale jaar behaal het. Akademiese rekords van die voorafgaande kwalifiserende graad word in ag geneem met berekening van die gemiddeld. Sertifikate alleenlik is nie geldig nie.
 - 7.2 **Deeltyds geregistreerde en werkende studente kan vir 'n 50%** toekenning van die beurs aansoek doen (werkende studente word omskryf as studente wat vir 'n werkgewer werk, 'n salaris verdien en waarvan werk die hoofaktiwiteit is).
 - 7.3 Die beurs **geld slegs vir twee (2) jaar. R20 200** per jaar word toegeken vir voltydse studente - die totale beurswaarde oor twee jaar beloop **R40 400**.
 - 7.4 Studente vanaf die **TWEEDE** jaar in die graad doen aansoek vir 'n **Meesters Vorderingsbeurs**: Vir die Vorderingsbeurs **MOET** die voorgeskrewe **Vorderingsverslag** ingevul deur die Studieleier, aan die beursaansoek geheg word. Hierdie verslag dien as aanbeveling van akademiese vordering. Indien die student nie voorheen 'n Meesters Beurs ontvang het nie, **MOET** die student die akademiese rekord van die vorige kwalifiserende graad ook aanheg sodat die gemiddeld van 60% bevestig kan word. Onvolledige aansoeke is ongeldig.
 - 7.5 In die geval waar 'n student in een jaar die Meestersgraad voltooi en direk met Doktorale studies aangaan, word R20 200 na die eerste jaar van die Doktorale studies oorgedra. Indien die student nie inskryf vir Doktorale studies nie, is die beurswaarde slegs R20 200.
 - 7.6 Beurshouers moet die Meestersgraad binne 'n **grasietydperk van drie (3) jaar voltooi**.

B NWU DOKTORALE BEURS

Voorwaardes van die beurs

1. Die beurs is slegs beskikbaar aan studente wat vir 'n **eerste**, volle voorgeskrewe Doktorale kursuseenheid registreer. Studente wat as geleentheidstudente geregistreer is, kwalifiseer nie.
2. Aansoek om die beurs word jaarliks op die voorgeskrewe aansoekvorm gedoen voor of op **31 Maart 2018**.
3. Studente vanaf ander universiteite moet 'n akademiese rekord aanheg van die voorafgaande kwalifiserende graad.
4. Doktorale graadstudente mag beurse uit meer as een bron ontvang. Daar is geen perk op die Doktorale beursbedrag nie.
5. Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk voltooi nie.
6. Die Universiteit behou die reg, indien geregverdig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
7. *Die beurs word as volg toegeken:*
 - 7.1 Om te kwalifiseer, moet aansoekers 'n **minimum gemiddeld van 60%** in die finale jaar modules/vakke van die voorafgaande voltooide Meesters-graadkursus behaal het. Akademiese rekords van die voorafgaande voltooide graad moet aangeheg word. Sertifikate alleenlik is nie geldig nie.
 - 7.2 **Deeltyds geregistreerde en werkende studente kan vir 'n 50%** toekenning van die beurs aansoek doen (werkende studente word omskryf as studente wat vir 'n werkgewer werk, 'n salaris verdien en waarvan werk die hoofaktiwiteit is).
 - 7.3 Die beurs geld slegs vir drie (3) jaar. **R24 000** per jaar word toegeken vir voltydse studente - die totale beurswaarde oor drie jaar beloop **R72 000**.

- 7.4 Studente vanaf die **TWEEDE** jaar in die graad doen aansoek vir 'n **Doktorale Vorderingsbeurs**: Vir die Vorderingsbeurs moet die voorgeskrewe **Vorderingsverslag**, ingevul deur die Studieleier, saam met die beursaansoek ingedien word. Hierdie verslag dien as aanbeveling van akademiese vordering. Indien die student nie voorheen 'n Doktorale Beurs ontvang het nie, **MOET** die student die akademiese rekord van die vorige kwalifiserende graad ook aanheg sodat die gemiddeld van 60% bevestig kan word. Onvolledige aansoeke is ongeldig.
- 7.5 Beurshouers moet die Doktorale graad in 'n **grasietydperk van vyf (5) jaar voltooi**.

C NWU-NAGRAADSE AKADEMIESE MERIETE BEURS

Die NWU Nagraadse Akademiese Merietebeurs is **aanvullend** tot alle nagraadse beurse en word op grond van goeie akademiese prestasie toegeken.

- Die beurs is slegs beskikbaar aan nagraadse studente wat vir 'n **eerste**, voorgeskrewe nagraadse kursuseenheid registreer. Studente wat as geleentheidstudente geregistreer is, kwalifiseer nie.
- Die beurs word slegs **eenmalig in die eerste jaar** van die nagraadse kursus toegeken.
- Die Akademiese Merietebeurs vir geregistreerde studente word jaarliks outomaties bereken en toegeken. Akademiese meriete vir **studente vanaf ander Universiteite word nie outomaties bereken en toegeken nie – hierdie studente moet vir die beurs op die voorgeskrewe aansoekvorm aansoek doen** voor of op **28 Februarie 2017**.
- Die beursbedrag is terugbetaalbaar indien 'n student enige van die voorwaardes nie nakom nie, studies staak of nie die kursus binne die voorgeskrewe tydperk (soos voorgeskryf vir die NWU Meesters en Doktorale Beurs) voltooi nie.
- Die Universiteit behou die reg, indien geregtig deur omstandighede, om riglyne, voorwaardes en bedrae te verander sonder voorafgaande kennisgewing aan die applikant.
- Die beurs word as volg toegeken:*
 - Om te kwalifiseer, moet aansoekers 'n **minimum gemiddeld van 75%** in die finale jaar modules/vakke van die voorafgaande voltooide graadkursus behaal het. Akademiese rekords van die voorafgaande kwalifiserende graad word in ag geneem met berekening van die gemiddeld. Sertifikate alleenlik is nie geldig nie.

WAARDES VAN MERIETE BEURS	
Gemiddeld %	Beurs R
95 - 100	5 000
90 - 94,99	4 500
85 - 89,99	4 000
80 - 84,99	3 500
75 - 79,99	3 000

Belangrik

- ✓ Studente in die **EERSTE JAAR** van 'n graad doen aansoek vir die Meesters of Doktorale beurs. Studente moet die **akademiese rekord** van die voorafgaande kwalifiserende graad aanheg.
- ✓ Studente vanaf die **TWEEDE JAAR** in die graad doen aansoek vir 'n Meesters- of Doktorale Vorderingsbeurs: Heg die voorgeskrewe **Vorderingsverslag** die aansoek.
- ✓ Onvolledige aansoeke is ongeldig en kan daartoe lei dat dit afgekeur kan word.
- ✓ Die NWU-Nagraadse Beursskema en Akademiese Merietebeurs is **TWEE APARTE AANSOEKE**.

Sluitingsdatum: 31 Maart 2018

Studente word versoek om aansoekvorms so vroeg moontlik in te handig vir tydig verwerking.
Laat aansoeke sal slegs op aanbeveling van die studieleier aanvaar word.

Stuur aansoekvorm en rig beursnavrae aan u <u>registrasiekampus</u> : FINANSIËLE STEUNDIENSTE KANTOOR		
MAFIKENG Kereng Moalusi TEL: (+27) 18 389 239 E-POS: MC-PstGradBurs@nwu.ac.za Privaatsak X2046, MMABATHO, 2735 Gebou A2F, Kamer G07	POTCHEFSTROOM Susan vd Westhuizen E-POS: PUK-PostGradBurs@nwu.ac.za Privaatsak X6001, POTCHEFSTROOM, 2520 Gebou F19, Kamer G01	VAALDRIEHOEK Monica Mampone TEL: (+27) 16 910 3157 E-POS: VC-PostGradBurs@nwu.ac.za Posbus 1174, VANDERBIJLPARK, 1900 Gebou 24, Beurse